



邦畿水利集說序

邦畿水利集說五卷伯兄戴山編輯也首述運河子

牙河滹沱河滏陽河次南北二泊東西二淀次永定

河唐河漳河衛河次京東諸水末綴以九十九淀考

溯源窮流分支別派靡不詳悉如指諸掌其言曰水

行地中猶人身之血脈也血脈稍有壅阻則人必受

病病者可治之使愈水之有病待治尤急治非其人

利之所興即害之所伏治得其人凡潰而為害者皆

可因而為利直隸河道源流惟京東諸水別為一途

其餘自覃懷以北太行恒山以東千里之水羣趨畿



南會于直沽以入渤海昔汪應蛟有言易水可溉金
臺唐水可溉中山滏水可溉襄國漳沱可溉恒山漳
水可溉鄴下近代以來薊永豐玉津霸等處營成水
田並有明效使盡因其利而利之畿南不皆為沃壤
乎治之之道其要有六一曰浚減河以洩運河也南
北兩運河為傳送衆水歸海之道與西來大清子牙
諸河之水同會于天津之三岔口當伏汛盛漲時各
河來水既多而海門潮汐一日再至互相壅抵水滿
潮盈消退不速則海口易淤海口淤則上流不暢上
流不暢則有潰決之虞故欲治畿輔諸水必先治運
河欲治運河必先分其入海之路則減河其首務矣
減河之設使兩運入三岔口之水稍減庶大清子牙
諸水得以寬然東注南運上承漳汶衛諸河之水向
有減河二道一曰捷地壩口在滄州南十二里一曰
興濟壩口在青縣南三十里皆以歧口海港為歸宿
北運滙潮白諸河之水地勢北高南下若建瓴然亦
有減河二道一曰王家務壩口在務關廳屬一曰筐
兒港壩口在楊村廳屬同滙七里海入薊運海河皆
宜疏通毋俾占佃一曰別濬治以殺水勢也濬沱之
在山西也安流不驚初不與治河通自二水合流而

滹沱之勢遂猛渾濤駭浪所至輒為害雍正四年
怡賢親王奏塞治河入滹之路平山近河各村營成
稻田四百餘頃引河水以資灌溉咸樂利焉惟是滹
沱性悍挾沙而行河身遷徙無定治水亦湍急不旋
踵而治滹復合乾隆五十九年靈壽平山之交大溜
南徙傍河水田冲刷無算蓄藁城之城陷西北隅塞
黃兒營滄口北泊淤平嘉慶二年大水復至滹沱南
漫黃兒營新開河河身壅塞不通三四年間再疏再
淤寧晉隆平兩泊之交竟成巨浸為今之計惟有復
照怡賢親王舊議塞治河入滹之路使滹自滹而
治自治滄治水下流與滄陽河合滄得治而強滹失
治而弱滹弱則潰決之患滄強則有宣洩之功一曰
擴泊淀以瀦水也南北二泊為正順廣三郡諸河滙
歸之藪古大陸澤地也在任縣者為南泊在寧晉者
為北泊均恃滄河為宣洩之路滄河下流既暢泊中
積淤旋當濬治東西二淀以保定縣之張青口為界
上為西淀下為東淀西淀跨雄新數邑之境既廣且
深西北諸山之水皆滙焉西北自安肅來者曰電河
南自高陽來者曰唐河沙河滋河北自雄縣來者曰
白溝河拒馬河之下流也西自安州來者曰依城河

曹河徐河一畝雞距方順龍泉諸水之所會也東淀
以大清河為經流自張青口以下名玉帶河東至苑
口為會同河滙畿南之水有節宣翕受之用今日就
淤淺難以驟治宜於靜海縣權家口添設減河一道
以洩運俾三分口少洩一分南運之水即多洩一分
東淀之水况是處減河前經 怡賢親王奏准由冲
決處因勢利導在昔日開之為南運分減之法在今
日用之即為讓流東淀之計不特於淀有益即於運
河亦屬有裨權家口既開乃將淀池葦草大加芟殄
使水中根葉淨盡自無掛淤之病然後再謀用船撈
淺此治淀之要着也一曰浚子牙正支二河也濬滄
會流至獻縣臧家橋以下名子牙河至張家莊又分
正支二河正河行水四分支河行水六分乾隆二十
九年浚支河以支為正今支河日淤正河尤甚夫濬
沱來源甚遠又受正定西南諸山之水滄陽并兩泊
之流奔騰湍悍會合北流昔以兩河分洩之不足今
并一河猶然淤淺此上游念祖橋等處漫溢屢聞所
由來也開挑詎容或緩歟又乾隆十年奏建隔淀隄
使子牙與大清河分道而馳各不相入今多缺口均
宜補築一曰疏永定河之下流也永定河自築以後

新雄固霸之間咸慶安恬惟隄內流沙易積昔日窪
下行水之處俱已變為高原無路可為導引幸有金
門閘減水引河一道可束以長隄導之南注由固安
霸州入會同河藉清流以刷濁水仿江南蓄清敵黃
之法雖不能保其久而不變然五六十年之間安瀾
可必一曰治文安之水以利農田也文安居九河之
下流素稱水鄉治文安之水施工不必盡在文安境
內一開通勝芳舊河使水由東趨再于上游開中亭
河以分其沖突之勢一修復廣安橫隄長城老隄以
禦北流之水一修築烹耳灣橫隄以防西來之永康

熙三十三年徐司馬元禹攝篆文邑議於保定境內
立閘引水以防旱於縣境龍堂灣建閘減水以防滂
嗣以阻於保定不果行以今地勢論之龍堂灣為文
安至窪之處通縣之水俱可由此歸淀若依徐司馬
原議于彼處建閘二座以時啟閉復為立圍田製水
車實力行之何患不成樂土耶其言治河之大略如
此兄游宦畿輔十有餘年所過郡縣往往臨流討論
入境咨諏或執一二耆老以窮究其原委歸而一一
筆之於書用心可謂勤矣乃其子不能守委諸書肆
余友陳碩甫煥得之宣武門外謀付諸梓屬余為之

序
序研甫亦有心人
縣卒于官道光三年天正朔欽裴謹序

黃趙先生清戴先生震同毅直隸河渠志

後者安人竊取以獻於朝遂得官于後

王先生念孫孰于北河水利嘗為河苗以至其

孫憲德讀之嘆先生經世之學未竟其用嫉

惡如風逆為忘者所中一蹶而不可振也

沈君是書貫串直隸水道形勢宜泄之法

可備采擇見諸施行世之高牙大毒縣虛耗

河餉賊害生民者三復此冊尚亦泚泚汗下

光緒二年十二月汪喜孫跋

序



水之行地中猶人身之血脉也血脉稍有壅滯

則人必受病病者可治之使愈然則水之有病

其待治尤亟東坡云水利不可諉之於天專咎

人事之不修此之謂也願治清水易治濁水難

畿輔地方千有餘里大小川瀆百有餘條其間

若永定若滹沱若漳若治皆發源於西北山中

其來也挾沙而行所至輒淤墊為患元明以來

創議修濬代有其人迨我

序碩甫亦有心人哉兄名聯芳由縣佐擢任青縣知縣卒于官道光三年天正朔欽裴謹序

昔趙先生清戴先生震同毅直隸河渠志

後有安人竊取以獻於朝遂得官于後

王先生念孫孰于北河水利嘗為河苗以至其

孫憲應讀之嘆先生經世之學未竟其用嫉

惡如風逆為忌者所中一蹶而不可振也

沈君是書貫串直隸水道形勢宜泄之法

可備采擇見諸施行世之高牙大毒縣虛耗

河鉤賊害生民者三復此冊尚若此休干下

水之行地中猶人身之血脉也血脉稍有壅滯

則人必受病病者可治之使愈然則水之有病

其待治尤亟東坡云水利不可諉之於天專咎

人事之不修此之謂也願治清水易治濁水難

畿輔地方千有餘里大小川瀆百有餘條其間

若永定若滹沱若漳若治皆發源於西北山中

其來也挾沙而行所至輒淤墊為患元明以來

創議修濬代有其人迨我

國朝

列聖軫念民依一遇澇年河水偶有泛溢或親臨指示或

命使經營頒帑發粟建官設兵凡所以為民興利除害者

恩至溥也

澤至遠也生畿甸者安享太平旱澇有備亦遂習焉不覺惟是水道經行無久而不變之勢稽自康熙三十九年

聖視親閱河防

特授方略各河普慶安恬閱三十餘歲至

世宗初年 怡賢親王奉

命周歷畿疆大興水利凡巨川廣澤無不順軌安流又閱三十餘載至乾隆二十九年制府方恪敏公奏辦水利因地勢順水性塞者通之淺者深之敝者革之維時

欽使阿文襄公裘文達公奉

諭巡行相度幾無虛日即一溝一渠靡不經畫盡善數

十年來民安樂利由今日而追溯之河道之變遷未有閱一世而不資濬治者今數遇時可夫豈補偏救弊所能為功者哉聯 脩員畿輔十有餘年每當捧檄奔馳所過郡縣往往臨流沿討入境諮諏或執一二耆老以窮究其原委歸而一一筆之於書數年以來畿南數大川雖未能遍為遊歷而其中今昔情形之不同一方利害之所係亦復日聚月積萃集成帙自嘉慶六年大水後河道之淤積益增隄岸之殘缺彌甚民瘼攸關無刻不上塵

宵旰近奉

制府顏 通飭確勘妥議詳報以為次第興舉之圖仰見

鴻慈溥逮饑溺在懷水利之興修不日定將

奏請

聯

雖謏陋既已職在河壩修防疏濬亦分內所

當講求謹就所知按諸誌乘河圖輯成四卷凡前人已創之議論或議而未行或行而未竟以及輿論之可採臆見之偶得悉載於編以脩採

擇名曰集說以志不敢妄忝末議云爾

皆

嘉慶八年閏二月穀旦鴻城沈聯芳識

卷一

通河 子牙河 滹沱河 滏陽河

滹沱河

滏陽河

卷二

子牙河

卷三

滹沱河

滹沱河

滹沱河

滹沱河

以上各河
西南之水

卷四

滹沱河

滹沱河

滹沱河

卷五

滹沱河

甘肅汪憲孫讀

甘肅汪憲孫讀

邦畿水利集說目錄

甘肅汪憲孫讀

卷之一

南北運河

捷地減河

興濟減河

筐兒港減河

王家務減河

老黃河

宣惠河

石碑河

七里海

塌河等淀

附山東四女寺哨馬營兩減河

子牙河

大洋河

江江河

千頃窪

古沙河

普頭河 樂河 漫河 亭子河 清河
三支黑龍港 倒流河 平成河 夾河
劉麟河

濬沱河

冶河 綿蔓水 嵩陽河 沕沕水 微水
井陘水 大洋渠 七里澗 西韓河

滌河

滏陽河

渚河 沁河 落漠水 賀蘭河 泥河

羊渠河 牝牛河 澗河 玉泉池

八字澗

南北二泊

澧河 新澧河 洺河 百泉河 牛尾河
野河 沙河 柳林河 順水河 聖水河
蔡河 馬河 李陽河 洪河 達活河
白馬河 狼溝河

汶河 猪龍河 沙河 泚河 泚河
槐河 午河 泥河 七里河 鰍河

老僧河 神泉河 魏河 金河

邦畿水利集說卷一

元和沈聯芳戴山編輯

南北運減河

謹按南北兩運河為傳送衆水歸海之道與西來大清子牙諸河之水同會於天津之三岔河當伏汎盛漲時各河來水既多兼之海門潮汐一日再至互相壅抵是以乾隆五十九年嘉慶二六等年水滿潮盈消退不速往往節過白露半月餘各河水漲不消是欲治畿輔諸水必先

治運河欲治運河必先分其入海之路使無奪
門之病然則減河其首務矣運河之有減河所
以使其分途歸海既除運河隄岸之險更欲使
其分流散沙逐段分洩使兩運入三岔口之水
稍減庶大清子牙諸水得以寬然東注前人經
畫法美意良此之不治而徒於上游施工亦何
益哉

南運上承漳衛汶諸河之水有減河二道一曰捷
地壩口在滄州南十二里河長一百八里由母
豬港歸岐口入海隄至劉三家莊而止舊設涵
洞五座於汛後河水消落之時宣洩瀝水邇年
河底積淤過多河形高仰涵洞久廢水漲時往
往由龔家口南軼淹及隄南附近村庄或波及
南皮邊境而近隄居民藉以淤高地畝不糞而
肥不以決溢為患稍遠之處水清無泥即有害
無利矣一曰興濟壩口在青縣南三十里河長
九十六里經同居亦入於母猪港並以岐口海
港為歸宿蔡莊以西屬青縣蔡莊以東屬滄州

考興濟縣舊志明成化三年間因會通河水泛漲後此以殺其勢後堤岸圯塌水旁溢為民田

害嘉靖十五年都水都郎中楊旦奏准開濬興

濟知縣王朝相董其役仍舊蹟疏鑿至豐台堡

迤東入海

又相傳興濟減河係明宏治年間孝宗昭皇后所鑿后興濟張氏女也後

張氏以此獲咎

怡賢親王查辦水利疏云滄州之南

有磚河青縣之南有興濟河乃昔年分減衛水

故道奏於捷地興濟各建石壩一座蓋減河之

由來已久壩口向俱有五洞石閘捷地二洞過

水興濟令三洞過水緣初濬之時下游隄身卑

薄恐為附近田禾害故立法如此嗣後積淤日

多每年疏濬培築隄日高厚過水不慮其多而

慮其少乾隆三十六年

高宗純皇帝東巡舟經南運

親加相度

諭令改閘為壩設立歲修三十餘年來遵行不替惟歲

修係有限之款積淤未免日漸增盈非得大加

開挑不可下游如李風口玉堂灣大溝窪等處

並須濬治

北運滙潮白諸河之水地勢北高南下勢若建瓴

亦有減河二道一曰王家務壩口在務關廳屬

明史河渠志元統間白河決要兒渡命武進伯朱晃尚書吳中役五萬人去河西務二十里鑿

河一道導白水入其中即此河長一百四十里自亂石壩經

七里海入薊運海河東洶窪水由後海來會之

其附近有潘兒庄劉快莊賈家沽道腰河各引

河皆其支流也一曰筐兒港壩口在楊村廳屬

有兩股南股河長五十里由麥子淀合西隄頭

引河北股河長四十九里經塌河淀油香淀鯽

魚淀青角淀同滙七里海入薊運海河

謹按康熙三十八年河決武清筐兒港次年

聖祖親臨視閱

命員外牛鈕等於冲決處建減水石壩二十丈開挖引

河而注之塌河淀由賈家沽道洩入海河康熙

五十年以河西務工程險要復

親臨指授命牛鈕開挖引河復以河西務城東有舊河

形對新河下口至二里屯長四百餘丈

特命開直河一道次年工成雍正五年河水泛溢東西
岸漫決者四處六年 怡賢親王奏拓筐兒港
舊壩濶六十丈展挖引河改築長堤七年疏濬
賈家沽道分減既多消洩亦暢復於河西務上
流之青灣建壩四十丈開引河注之七里海仍
展挖寧車沽河道守七里海水而洩之北塘口所
費帑金六十餘萬此歷來浚治之大略也查北
運兩減河情形與南運兩減河又有不同北減
河地多流沙洩水之處散而不束易於淤積每
遇伏秋大雨時行之際其所經武清寶坻寧河
天津等縣各處瀝水已難消洩而塌河淀七里
海後海等處之水又復同時並漲不免倒漾減
河附近諸村一百七十餘村恒受淹浸之患兩岸雖均
有隄埝歲久殘缺甚有并無隄形者修築詎容
稍緩歟其自七里海東南由淮魚淀至蠻子甸
十餘里間為水歸薊運入海之路均應一併濬
治

再南運上游山東德州之哨馬營恩縣之四女寺

亦有減水壩兩座運河入山東恩縣東行二十里經故城南門抵孟灣計六里餘又入山東德州衛東行二十里為四女寺壩轉北行五十二里為哨馬營又五十里至半截碑入景州境運河自山東臨清板閘至滄州捷地綿長五百餘里別無分減之路非藉二壩以為分洩景州吳橋東光一帶防禦未免堪虞乾隆二十九年水利案内

欽

使河文襄公裘文達公奏明行令山東勘估辦理惟

東省運河但憂水小不患水大故此二壩工程在東省視為緩圖而直省則有釜底抽薪之益

殊不知東省自東昌府以至德州亦別無分減之路非止有利於畿疆也查哨馬營四女寺之水俱會於直隸之老黃河經寧津吳橋南皮鹽山慶雲等縣仍從山東海豐入海上游東省既已開通則凡在直隸老黃河均應挑濬惟河身甚寬廣計長二百二十餘里從前辦理亦只河底抽槽導其就下之勢今河身淤墊益高治之尤為不易按四女寺壩開於明宏治年間哨馬營開於明永樂年間

國朝康熙四十四年雍正五年九年十三等年均

經修治實於東直大有裨益查哨馬營壩口係

旁側瀉水不若四女寺迎溜頂冲尤為得地計

臨清板閘至四女寺共二百四十里四女寺至

哨馬營不過五十二里是二壩所重在四女寺

倘厚集夫役將四女寺下游開挖通暢哨馬營

即為可緩之工考明永樂十年尚書宋禮於德州西北開一小河東北流十三

里入老黃河至海豐之大沽口入海又明宏治

中都御史白昂於德州之南四女寺鑿裡河至

九龍口入老黃河歸海嘉靖十五年工部郎中

楊旦於四女寺建閘萬歷二年以後漳水不從

廢館陶入衛於是運河各汎泛溢無虞而舊制盡

本朝康熙三十六年漳水復出館陶運河驟漲自

臨清以北類苦决溢四十四年重修四女寺減

水閘雍正四年改為滾水壩九年挑挖引河入

九龍口并疏濬老黃河故道十三年東省奏請

於德州城址哨馬營建滾水壩開挑引河由陳

公堤至曹家口入鈎盤河是則今山東四女寺

南運匯流諸河并減河下游會合諸水

漳河 另有專條

衛河 另有專條

汶水 另有專條

老黃河 河間府志老黃河在吳橋縣西南導山

東恩縣四女寺閘之水由德州入境東北行至

縣屬玉泉庄會鈎盤河入寧津縣又北行轉東

入南皮縣山東通志老黃河自直隸元城縣至

德州為禹釃二渠之貝邱川 貝邱漢時屬清河郡今為東省東昌

府清平縣至王莽時遂為屯氏河支瀆自德州至樂

陵為鬲津故道自直隸鹽山至東省海豐縣大

沽河口則唐時所開之無棣溝也今會為一渠

通謂之老黃河河間府志又云運河之東與山

東隣境所在尚有旱河故道而以老黃河宣惠

河為統率之區查老黃河自吳橋西南接德州

入境東北行數百里有時家庄渠同大吳庄渠

入之又東北行若干里古漫河統率衆渠自南

入之又若干里鈎盤河自西來入之又若干里

入於寧津又東北行歸於天津府之南皮縣

宣惠河 亘吳橋東光南皮滄州鹽山等縣境內

長二百八十二里由新集入老黃河河間府志

宣惠河自吳橋縣本境西北行數里劉牙子庄

渠自南入之逕北行至東光有古沙河亦由吳橋南來會之復東北流入於南皮乾隆五年吳橋令端木長泓勸民間濬二十九水利案內間段挑挖

石碑河並無來源滙東南滄一帶瀝水由母猪港與捷地減河會綿長一百五十四里乾隆二十九年水利案內疏濬深通

北運滙流諸河并下游瀦水大澤

白河 另有專條

潮河 另有專條

塌河等淀 見諸淀考

七里海 一統志在寶坻縣東南一百三十里汪洋如海為縣巨浸按七里海為北運兩減河藉以蓄洩之區海之西北為後海後海之西北為鯽魚洶又北為香油洶海東南為曲里海地本窪下雨多水滙則極目無涯惟去路甚狹往往盈滿為患 怡賢親王查辦水利時拓濬寧車沽長四十里尾閘始暢查七里海本無來源一

遇旱乾之歲附近居民往往就其邊界占種為業甚或報墾升科遂至日以日窄此不特七里海為然凡塌河等淀亦皆受此病今歷年已久頗有積重難反之勢如必謀宣洩自當於去路加之意耳

子牙河

滹滄會流至獻縣臧家橋以下名子牙河至大

城縣王家口計長一百九十八里自王家口循

大隄至天津西沽入三岔河計長九十里子牙河亦

名沿河大城縣志沿河自河間縣之龍華橋轉入縣西南二十五里之馬村東北流迤十里灣自南而東逕白洋渡四呈口至縣東二十五里滙黑龍港河亦名交河從而北折繞縣東十二里趙扶村又北經子牙村故名子牙河亦名益河臧家橋以下西有千

里長隄為河間大城保障而河間之劉各庄念祖橋於嘉慶五年間漫溢為患迨北大城境內

王蕃村乾隆二十九年水利案內建雙空石閘
二座以洩河間蒲塔窪等處瀝水向於閘外開
挑引河九里二分引水入榆錢窪第河水挾沙
而行引河久經淤平嘉慶五年奏明將王蕃村
閘移建於杜各庄仍循舊制次年子牙大漲倒
灌入閘并将新修廣安橫堤依舊冲刷此閘在
當日原為宣洩蒲塔窪等村瀝水而設今外河
河底高仰內水不能外瀉留之反有開門揖盜
之虞不若用土填塞培築堅厚之為得也

考廣安橫

隄一名寸金隄在大城縣境原以截河間野潦
北趨不築則文大坐受其害築之則蒲塔等村
永無涸出之日惟有於唐洋二河開挖之後使
附近唐洋一帶瀝水引入二河而杜各庄閘座
既塞外水不來內水亦屬無多附近諸村浸淹
輕而乾涸易所謂不能謀其去當先絕其來也
且蒲塔不過數村耳文大受害極廣權其利害
亦當有輕重之分非有私於文大之民也說詳
末又高家口以下舊有冒門引河一道穿蘇家
窪行十五里仍歸正河今亦淤平河流至張家
庄以下分正支兩河正河自張家庄至王口長
三十八里支河在其迤東經閘兒庄瓦子頭至
大城庄兒頭與正河會而附近蔡家窪漲水亦

入馬查正河舊時行水四分支河行水六分乾隆二十九年開挖支河其時即云支河分溜為多以支作正今支河亦日就淤墊蓋艘往來頗見阻淺正河並不能通舟矣夫滹沱來源甚遠又受正定西南諸山水滄河并兩泊之流奔騰湍悍會合北流前以兩河分洩之不足今并一河猶然淤淺此上游念祖橋等處漫溢屢聞所由來也開挑詎容或緩歟自是而下由大城庄兒頭起至天津縣西沽疊道止長八十四里乾隆十年奏建格淀隄與大清河分道而馳各不相入又於三十七年蒙

高宗純皇帝按圖指示

命接文安縣三灘里之千里長隄至庄兒頭添築新隄

十五里共長九十九里

此滹沱入淀舊道

北障淀水南

束子牙又於三十七里大工案內自當城以下至西沽二十四里改為疊道添建涵洞五座俾正流由紅橋入運立法之初莫以分洩子牙盛漲散於淀泊耳無如水勢就下王家河一帶地

勢卑下子牙正流遂折而西北冲刷叠道歸并
大清河入運而紅橋之故道遂埋今查格淀隄
大城境內缺口十九處靜海境內二十餘處當
城以下叠道宛在水中是宜相其深淺接築成
隄無容建設涵洞紅橋故道依舊挑挖使大清
與子牙各為一塗庶有益於清河淀池不至淤
墊矣

子牙河故道有二一由猷縣完固口經黑龍港
分東西中三支皆下注新河口入於東淀一由

青縣杜林鎮經盤古廟至鮑家嘴入南運河自
子牙改由臧家橋之後三支黑龍港遂為河間

猷縣交河等處宣洩瀝水之道而群會於青縣

之空城

子牙河亦名鹽河其來源既遠而故道亦不一考冊說鹽河在大城縣南十里

自河間流入分二支一支西流入文安縣石城淀
一支北流又分三支西一支入文安黑母淀東一

支入大小窩口中一支入霸州文爾淀滙於武
清三角淀入白河畿輔通志子牙河至王家口

入淀之處分為二派一派西流經文安土橋村
至趙家庄又分二支西支抵文安大堤而北至

龍塘灣北支經三灘里至張官營抵石溝河往
往橫截清流兼為隄防害一派東北流經瓦子

頭斷隄村岳庄庄頭村遇王家泊抵台頭會清
河而東雍正三年怡賢親王奏請障其西流

約東歸一四年令清河道王絃相度工費及汎水過後西派自淤正流由瓦子頭一派入淀為現在經行之道其餘故道淤積既久幾無所考其在杜林鎮以南者向

為漳滹故瀆迤東有清河一道清河上自武邑縣馬廻公村逕

交河縣境北至清河頭村止以下並無河道由賈家引河新挑二溝分洩由漳河故道至青縣

二十六戶抵祝河嘴入舊滹沱河文安陳觀察云總河王新命於杜林鎮之大渡口開橫河一

道通清河之流入鮑家嘴而上受景州之大洋歸於運河清之入滹始此

河江江河千頃窪阜城之古沙河東光之普頭

河樂河交河之漫河獻縣之亭子河諸水其先

並由鮑家嘴入運鮑家嘴舊有兩空石閘一座

乾隆二十九年水利案內以運河當盛漲之時

外水每多倒灌因於盤古廟西北地名十里窪

挑挖引河一道長七里九分今其地名引河頭使昔之

下注鮑家嘴之水俱由引河下會黑龍港而北

流歸子牙故道而鮑家嘴石閘遂用土填塞鎮

以高隄今引河以東故道亦將淤為平地矣

子牙新河在青縣廣福樓北焦家口康熙三十

九年

聖祖親閱河工於子牙上游獻縣河間東西兩岸高築

長隄西接大城東接青縣靜海雙隄屹立各二
百餘里又以水勢合則猛分則弱擇於焦家口
開新河一道東北流至賈口入淀畿輔通志查
新河形勢由西南而趨東北從高就下直注獨
流大坑甚為徑捷但河身淺狹隄岸殘缺若深
濬而堅築之於焦家口分流之處建挑水壩逼
子牙之溜移入新河刮刷愈深則王家口以上
無羨溢之虞即台頭一帶亦免墊淤之患矣按
此則新河地勢本甚卑下

聖謨所及原係就其順下之勢今河身雖淤濬而通之
工省而效易見也其新河入淀之處有賈口橫
隄一道在靜海縣西境起自東賈口東北至劉
家營與運河隄接原以防淀池之倒灌嘉慶六
年淀水大漲倒漾南流橫隄冲刷水抵青縣城
下不特民田受害運河隄背亦被冲齧殘損是
隄本係民修然附近居民避水遷徙大半民力
急切不能辦理亦須另為籌畫

入子牙故道諸河

大洋河 亦名沙河受故城縣一帶瀝水入景州南境下為惠民渠入阜城

江江河 自故城縣會曲流河

即沙溪起自山東武城縣界

至景州因其遠景州之江江村故名

按二水自景州西南分流至州東向化屯合入東光自乾隆五年浚治後邇年以來每至夏秋雨集景州城南北積水汪洋驛路阻滯查景州舊圖向有水溝七十二道今俱湮塞不通迤東北千頃窪亦漸淤墊今每逢水發

即改道由州東張家河溝一帶繞道行走致煩濟渡終非善計是在相其地勢開通下游使水去迅速景州自無水患非僅僅在附城左右疊道修橋所能為功者也

千頃窪 在景州東北三十里其地卑衍舊為鍾水處方輿紀要明宣德中大河坵決自德州潰入境內知州劉深開渠導入此窪水患遂息

古沙河 在阜城即景州大洋河下流也

普頭河 在東光縣西北

樂河 在東光縣西

漫河 在交河縣境河間府志漫河屬東光蓋

其經流二縣故兼載之

按古沙河普頭河漫河皆江江大洋河下游

各河牽連交注舊俱入漳今並歸杜林故瀆

亭子河 自獻縣西南陳家庄流經縣南東流

入交河縣霍村合李村土河下歸子牙故道

考亭子河即交河志所載蛤螺河畿輔通志

蛤螺河在交河縣北二十五里下流入滹沱

河乾隆五年知縣趙洪烈開浚今又淤積查

獻縣南黑龍港河已成平地惟賴亭子河宣

洩瀝水第河槽窄淺納水無多一加疏濬獻

南大道無慮阻塞

清河 在交河縣西二十五里漳水支流也自

縣西南入境北流逕富庄驛又東逕交河縣

東北六十五里散注於滹沱俗名清河頭相

傳五代梁時趙王鎔於此運糧以助晉李克

用之師故又名運糧河亦名益河乾隆四年
制府孫公嘉淦奏請自清河頭開挑新溝北
開賈家引河注之古漳滹由青縣杜林鎮入
子牙故道

黑龍港河 有三支為河間猷縣瀝水滙歸之
所西支自河間東北行經青縣遠南頭村達
於空城中支自猷縣雙堤口起經河間縣東
青縣徐家呈村入境下流過胡家店亦謂之
胡家店河東支亦自猷縣來至李家西河頭

村入青縣境經木門店至馬家橋入子牙故
道亦名馬家橋河下至青縣空城村三支滙
而為一其自河間東行一支又有王林口河
入之係洩於家務窪內瀝水乾隆五

年河間縣
李時憲濬

倒流河 在交河縣東北九十里縣東境之水
滙流於此西行四十里注於滹沱故曰倒流
亦名蔡河

平成河 在交河縣東北八十里一名陽氣寺
古河今淤

夾河 在吳橋縣東北十五里二水中分故名
入清河

劉麟河 在阜城縣七里索盧河自故城來會
之至交河合于漳

按劉麟河其水無源數年一至遇雨則泛漲
為患

滹沱河

滹沱河源出山西代州繁峙縣泰戲山一名武

王山在縣東九十里寰宇記則源出繁峙東南孤阜山由山西

五台孟縣至平山縣西北卧石口入直境經靈

壽正定藁城晉州至寧晉之營上村與滏水會

又經冀州衡水武邑過獻縣臧家橋以下則為

子牙河按桑欽水經無滹沱與涇水洛水即濁

漳巨馬篇中不過一二見元毆陽元功補正水

經引宋崇文總目云酈注四十卷今亡其五是

滹沱亦在所佚之中蓋水經實非完書也漢書

地理志言滹沱過郡九行千二百四十里代郡

鹵城滹沱河東至常山郡靈壽禹貢衛水出東北東入滹沱

南行唐滹沱水東至新信都國信都故滹沱在渤海

海郡平成滹沱河民河間府樂城滹沱別水首受滹沱河東

至東光入弓高滹沱別水首受滹沱皆有之而

源委究未悉此外如元和志太平寰宇記元史

河渠志方輿紀要畿輔地圖記所載滹沱經行

之道今昔不同正定藁城而下屢經改徙故道

不一故不脩錄滹沱之在山西也安流不驚初

不與冶河通自二水合流而滹沱之勢遂猛渾

濤駭浪所至輒為害延祐間引闢冶河自作一

流滹沱水退十之三四後冶河下流淤塞復入

滹沱潰決如舊皇慶中議復之而旋廢雍正四

年 怡賢親王奏塞冶河入滹之路俾冶河復

循故道羣謂滹沱可慶安瀾其時平山近河各

村營城稻田四百餘頃引河水以資灌溉咸樂

利焉惟是滹沱水性驕悍挾沙而行河身遷徙

無定治水亦湍急不旋踵而治濬復合乾隆五十九年靈壽平山之交大溜南徙平山傍河水田冲刷無算齧藁城之城陷西北角塞黃兒營滄口北泊淤平蓋自廣陽隄廢而濬流日就南趨治之迄無良策以其故道言之自明永樂四年南徙向劉村東流出武強界十六年劉村再塞改流衡水五花營導於漳河成化正德間由正定晉州紫城口紫城淤塞分為二支一支由寧晉一支東流自東鹿至深州城南已復合并會清水河入海至正德末年徙東鹿深州城北入武強衝猷縣古隄遂為深猷患隆慶三年水大溢從天官口決饒陽蓋河流不復歸故道矣前之議治此河者在明時有徐貞明鄧訓何棟張淑紀誠宋纁而主不可濬者則惟王之棟一人王正定人其疏最為通達迨我

國朝順治二年從冀州合漳水十三年又南徙藁城南彭村經晉州周頭村入東鹿百尺橋口至冀州歸清水河並行雍正三年決周頭村直衝

東鹿四年 怡賢親王奉

命查辦水利束之人士請障歸故道入寧晉泊 怡賢

親王以泊乃畿南數郡河流匯歸之所有節宣
翁受之功豈可復聽淤塞乃親行相度得舊河
一道由木邱至焦岡村引濬入滏乃自第四橋
開疏深通築隄周頭村障其東趨之勢而河遂
南徙經寧晉至真州小窩村與滏合後又徙深
州數十年至乾隆二十四年忽又南徙至寧晉
營上村仍與滏會其時有開挖舊河之議 前

此頁例

以為容蓄之地復循營疙疸以西舊隄稍加培
補並向西接築將營上西南一帶起建小隄仿
昔日 怡賢親王起築鹹河小隄遺意復於下
游一路將弩嘴淤沙悉行開除衡水橋下頻加
疏濬庶去路暢達則上無留滯竊以為濬沱之
患非此不治特是治河亦頗難治矣治自元時
潰平山縣東嘉陽堰入濬至皇慶中議濬故道
先於平山縣西北河內改修滾水石壩下修龍
塘隄東南至水碾村改引河一道復於蒲吾橋

西關河里許又以栾城趙州境內地形低下跨河多石橋恐阻塞為害議於栾城縣北聖母堂

開減水河

今水河鋪即減河故道

以殺其勢此當日修浚

冶水故道也閱年既遠陵遷各變谷今昔情形雖或不同而枯河斷澗可尋而濬也所慮者冶河亦發源於山中又得綿蔓水之助大雨時行之際水來必猛下游河槽容納不廣亦必將泛濫而出栾趙大道不無阻隔是在下游俾可暢洩耳按趙文奎治河至趙會汶趣漳蓋治

制府方宮保以其所經乃故道遂疏罷之五十九年夏秋異漲汶口復決疏治未久至嘉慶二年大水復至濬水南漫黃兗營新開河河身壅塞不通滄水無宣洩之路三四年間再疏再淤寧晉隆平兩泊之交竟成巨浸嘉慶六年大水泛濫濬水至小劉村忽分二股一自村南分流由黃兗營注邱頭一自村北分流至大營上北又分為二股一東南流注黃龍窪一東流經營疙疸東合滄窈維濁水不宜分流急應導之歸

并一槽俾無停積以今地勢論之廣陽隄萬難
再復滹沱現似北趨此不過因黃兒營一帶淤
塞逼高故泛濫四出此時只可因勢利導斷無
復歸焦固故道之理且迤南地形窪下高庄窰
上等村尚有小漳舊槽其不至復行阻絕滄水
之路而倒灌南流者非水性也為今之計惟有
復照 怡賢親王舊議塞冶河入滹之路疏冶
水下游使滹自滹而冶自治滄得冶而強滹失
冶而弱交口迤東在誌本名為東泊滄河得此

河一入汶水其猛暴之勢遂平下至樂城西合
北沙河東流寧晉境內舟楫通行是汶亦滹南
一巨流也特兩岸苦高峻河槽不寬廣通泊之

處謂之汶口土人亦謂之孝口其上向有石閘

三座

寧邑侍御蔡公駿建一在城西南一在丁
東村一在東汪明崇禎間河流淤塞閘亦

圮此兩岸居民舊日收水利而設今亦湮水中

故濬治在隄固而不使有阻濬汶在岸濶而不
慮不深二河之工連類並舉相助為益者也

滹沱下游衡水境內老龍亭地方有三空石閘

一座係方宮保奏請添建以洩冀州城外南
窪之水南窪周四十餘里土人呼為南海今閘
尚完好惟河身淤積漸高閘內之水雖至秋深
不能外洩今宜於下游另為相度移建閘壩以
資分洩又衡水石橋修於乾隆三十年今雖漸
損裂尚可緩修惟橋下積淤宜汛後年年挑通
庶上游無所壅滯

入滹各河附

冶河

即古太白渠源出山西平定州松嶺由

娘子關入直經井陘平山樂城合汶此其故
道也漢志太白渠首受綿蔓水東南至下曲

陽入斯汶漢元貞間闢渠於樂城北聖母堂

東合汶水至寧晉亦曰蒲吾渠永平十年開
通漕舡後遇水溢逆薪橫流人爭取之以供
炊爨宋金間因以供陶冶之用故謂之冶河

又曰運糧河今在平山縣北合河北入滹沱

綿蔓水

源出山西流經井陘南門外合甘陶

河水經注綿蔓水上承桃水水出樂平郡之

上艾縣東逕靖陽亭南故閼城也又北流至井陘閼下注澤發水亂流東北逕常山蒲吾縣西桃水南逕蒲吾縣故城西又東南逕桑中縣故城北又東南逕綿蔓縣故城北自下通謂之綿蔓水

嵩陽河 一作松陽河源出楸山至靈壽入滹沱又有淤泥河亦曰溫泉自靈壽縣東來入之

沕沕水 一作湔湔水在平山縣西一百里方輿紀要湔湔水自山半湧出達於平地灌田數十頃明正德二年於水口建城置戍平山縣志此水泉出山半其聲沕沕故名

微水 在井陘縣東北一十五里南流入甘陶河

跨微水上有大石橋相傳為晉省孀婦某氏施願而建該處為燕晉通行驛路必經之處乾隆五十七八年間橋壞五十九年大水橋傾圮每遇水漲需舡濟渡宜復建以通行旅

井陘水 卽鹿泉水也東北流屈經陳餘壘又東注綿蔓水水經注鹿泉水一名陘水

大唐渠 在獲鹿縣東北十里唐書地理志白石邑引大唐渠東南流四十三里入太白渠七里澗 在井陘縣東北滙諸山溪之水南入

綿蔓河

西韓河 方輿紀要西韓河韓信伐趙時經此故名源發正定縣北大鳴泉明宣德初邑令李守義引水灌田查正定縣境大鳴泉之外

有小鳴泉鷓橋泉涼樓坡泉旺泉均入滹沱

澱河 寰宇記房山在平山縣西北澱水出焉

東南流入滹沱河

三陽河 萬歷四年邑令周應中浚治導入滹沱

以上諸水俱入滹沱河

滏陽河

滏水

發源於鼓山

之麓而上游八字澗浸淫之

水亦入焉東南行二十里許與黑龍洞水匯其

流始大魏都賦云滏水出神麇山神麇山即黑

龍洞也其水沸騰如湯在釜隆冬不冰遂以得

名經磁州城南東北行蜿蜒一百二十里入邯

鄆界往時漳滏合流在磁州東北五里開河村

漳得滏助每於漲溢時大為民害明成化十一

年州判張埕塞其交匯之口疏滏北流漳漸遠

徙二水遂分滏水由閻家淺東北行歷邯鄲永
年至曲周之東橋復與漳水合流康熙二十二
三年間漳水東行閱十載至康熙三十三年春
復歸故道六月間二水仍分漳水東流至今矣
自曲周而下滏水經雞澤平鄉任縣至隆平之
牛家河又九十里至寧晉之鋪頭又十里至孝
口漳滏又合流為一又十里至冀州之王家庄
乃與滹沱合其水愈大又二十里至冀州之隄
北又二十里至衡水之浪子橋又七十里至衡

水之石橋

橋於乾隆三十年制府方
奏修欽賜名為安濟橋又四十里

至武邑之圈頭又三十里至武邑之趙橋又二

十里至武邑之小汜又二十里至猷縣之大國

口

土音戴河口即完固口
在猷縣西南十八里

乃分而為二股一股

東流十五里至單家橋一股北流三十里至臧

家橋其由單家橋者六十里至淮鎮又四十里

至高川俱猷縣境又五十里至交河縣界又六

十里至滄州之杜梨木今屬青縣又二十里至

青縣入運河其由臧家橋者六十里至河間縣

沙河橋又六十里至河間縣龍花橋又六十里
至大城縣之南趙府又六十里至王家口屬文
安大城兩縣又六十里至信安屬永清霸州文
安三州縣又經由唐二府至東湖港又至褚河
港又至王慶坨自西沽入天津衛此滏陽古河
行水之道也以今河考之滏陽河由磁州至邯
鄲會渚沁二水經永年曲周雞澤平鄉任縣隆
平貫寧晉大泊而出自漳水南徙逕魏縣元城
抵館陶入衛不與滏會滏水獨行自乾隆二十
四年至嘉慶五年滏水皆由寧晉營上村與滏
沱合流六年以後遂穿東泊而出矣復考滏漳
合流始自前明永樂九年建成化正德間忽分
忽合遷徙無定我

朝順治二年滏滏漳三水合於冀州康熙五十三
四五七等年并雍正元年滏沱泛濫類為泊害
其時滏得漳水之助其清流尚可抵濁自康熙
三十六年漳水南徙入衛分流漸微又數年上
流盡塞今廣宗鉅鹿平鄉冀州等境故道尚間

段可指蓋滄自失小漳之助而出口之處類為
滹水橫截前此附泊之民議開浚口而新冀百
姓復以死控阻數年聚訟不決皆由於此至嘉
慶六年大水滄河由新立庄漫口東注經孟家
庄辛庄邱頭白家庄出埝口埝口乃昔日小漳
故道也今滄河既不由營上村入滹則營疔疔
亦非經久會流之處治之之法固欲為隆寧計
亦當為新冀慮昔滄有漳助滄可敵滹今漳去
而滄弱勢孤若治不助滹即可助滄如果濬治
之議行則滄河現在經由之孟家庄白家庄一
帶亦當於東岸攔築長隄以為新冀保漳而新
開河侯臯一帶並須疏濬俾節節通流庶可經
流久遠否則區區劉公一隄劉公隄在新河境不足為
長城之倚也

謹按滄陽一河乃鹽運要道所過之處疏渠
灌稻沿河田畝均收此水之利元郭子敬曾
言可灌田三千頃至明高汝行朱泰等建惠
民等八閘嗣因磁民築壩截流以專其利而

下流八閘盡廢 怡賢親王奏請將磁州改
隸直省所以均其利也今廣平府城隄之址
尚有惠民閘舊址然閘外地已淤高不能宣
洩前者制府方宮保於斜路橋開溝一道引
水入牛尾河并於溝口建閘一座以防倒漾
至今賴之惟滏陽一至北泊輒為滹沱阻遏
今捻口雖暫通流而滹水渾濁斷不能不復
淤塞於此而再有淤墊則益運更無別路可
通可預為綢繆哉

入滏諸河

渚河 又名塔水在邯鄲縣南五里其源有二
俱發源於紫山經城西南入滏

沁河 在邯鄲縣西一里其源亦有二亦出於
紫山經城西入滏

按名勝志渚沁二水即古牛首水也水經注
牛首水出邯鄲縣西堵山東流分為二水入
邯鄲城逕溫明殿齋臺又東逕邯阜東流出
城合成一川又東澄而為渚沁水又東入白

渠

輸黿河 洛河支流在邯鄲合沁水

落漠水 即水經所謂薄洛津在平鄉縣五里

洛河分流也下合滏陽河寰宇記故薄洛邑

也語訛為落漠

賀蘭河 在磁州西北三十里源出賀蘭山東

南流入滏陽河

泥河 在磁州西十五里源出本村沙石山橋

下西北流入滏陽河

羊渠河 在磁州西三十里源出本村之西半

里許西南流入滏陽河

牝牛河 在磁州北三十里其源有二一出蔣

村為北河一出林壇鋪為南河二水至落子

村始合流至東城橋入滏陽

澗河 在磁州北四十里源出河口村東北經

邯鄲縣北入滏陽

王泉池 在磁州西北二十里溢泉營方圓畝

許水從地中湧出下流入滏

八字澗 在磁州西北七十里支分派引流為
八字東南入滏河

賈葛潭 在廣平府城西受邯鄲西山之水東
注滏

廣盛泉 在磁州西南神麇山東入滏

南北二泊

二泊乃正順廣三郡諸河匯歸之數皆古大陸
澤地泊之在任縣者為南泊在寧晉者為北泊
土人復以寧晉之逸南為南泊逸北為北泊又
以滏河隄東為東泊任泊上承滏沼等十八河
之水寧泊西受汶泚槐午等十二河之水其中
汶滏聖水牛尾百泉數河恒流不竭其餘皆無
來源春冬時常枯涸每遇雨集漲發均恃滏河
以為宣洩之路南泊舊有五溝分洩泊水雍正

年間 怡賢親王查勘時已僅存雞爪張滋二
溝且地形已成倒灌略為開濬洩水無多故於
穆家口至羊毛圪塔四十里間大加疏濬并修
澧河古隄而南泊治復就濬泥新決之口開浚
黃兒營營上村河槽而北泊亦暢流無阻乾隆
五十九年濬泥大漲南軼北泊積淤丈許葦盡
沒頂隆平西北一帶在水中者六十餘村北泊
中新開河新開河即舊誌所載侯臯村水口方宮保因勢開河史家嘴
七里河盡皆闡淤隆寧水患無歲不告然泊水

無可濬治是在治滄與濬耳說見滄陽河

謹按古之大陸澤北至東鹿南極廣平郡城
皆其地今僅以任泊為大陸澤亦名廣阿澤
土人又謂之張家泊元和志大陸澤一名鉅
鹿在任縣西北五里東西二十里南北三十
里北有穆家口河洩水入寧泊東有雞爪張
滋等五溝洩水入滄水一泛漲下游隆平首
受其害雖縣之東南地勢尚高不致淹浸西
北與寧晉毗連各村田廬盡被水圍為今之

計惟除害之不暇遑言興利哉寧泊即古葫
盧河也考舊志葫盧河跨寧晉冀州境宋熙
寧八年發夫增治葫盧河蓋水漲為患自古
已然今冀州西北尚有大小葫盧灣二村按
其方位北泊本甚廣大此寧晉註所以有東
泊之說故凡畿輔通志所載水入葫盧河者
皆入寧泊者也泊之治否視滄水為盈虛滄
陽下流既暢則泊中史家嘴七里河皆當濬
治

入泊諸水附

澧河

在南和縣西十里即百泉河下流也自

邢台縣流經縣界合洪河東注任縣又東入
大陸澤又任縣志澧河其源有二一自府西
一自洪河分流經南和入任縣至疖疸台前
入雞爪河

新澧河

在隆平縣東十五里即澧水下流明

嘉靖十六年知縣王冕改疏入泊

洺河

在平鄉縣西十里自雞澤縣流入與南

和縣分界又沙河在洛河西五里北流合為
一經南和下任縣為沙洛河至石家溝入泊
百泉河 在順德府東南八里風門山其源也
泉從地湧其流無數故曰百泉一曰湯水亦
曰鴛鴦水一曰七里河引流而東入南和縣
界為澧河

按畿輔通志七里河在順德府城南源出清
風嶺東注於百泉是又百泉與七里各自一
河也

牛尾河 即響水河源出順德府西北之紫金
泉與達活泉會經廣平府城北直達任泊

野河 在順德府城西北一百二十里即古渠
水也源出西山引流七十二道下流至任縣
合澧河

沙河 一名馮河源出山西遼州流經沙河縣
南分為二支一入廣平府之永年縣經雞澤
與洛河會為沙洛河一由縣南為程塞河亦
曰新沙河經雞澤南和至任縣之東盟臺達

泊

柳林河 在聖水井西源出龍騰山

順水河 百泉水之支流也自邢台南和入任

縣界會牛尾河至趙五家圪臺達泊又殷陳

溝河亦百泉河南支也由南和逕任縣合澧

聖水河 發源任縣西北十五里聖水井泉在

桑村聖女祠下湧出成河其南有蔡河合入

行五里許有馬河合入又東注於達活河

蔡河 源出順德府西山經邢台入任縣界分

為二一南向環城為濠一北向東折穿城而

出合濠水東流入聖水河又李景萃記蔡水

發源達活泉稍東與紫金泉合踰三十餘里

至任縣西郭昔人於此醜為二渠

馬河 即古龍騰水也源出內邱縣龍騰山東

流至縣分為二一東經小馬村為小馬河一

東南流入唐山至任縣合聖水河任縣志馬

河舊由馮村北流入泊今隨勢自北引合聖

水河

李陽河 發源自且停山之東有二焉一自陽武川北來一自石河西邙來合於內邙縣西轉北而東至唐山縣之西梁村合泚今無水
洪河 源出順德府栲栳山流經沙河縣西北納溫泉水會沙河東出合於澧

達活河 方輿紀要達活舊名蓼水出石井岡經任縣入蔡河按達活泉出順德府西北咸平中刺史柳開濬成河旁植千柳建亭其上為一郡之勝熙寧王子泉忽淪伏不見元豐改元之歲太守王愷禱於泉上不越月而復出因改名再來泉

白馬河 源出內邙凌霄山經順德府城北又東入於任縣

狼溝河 即邢台百泉水分流也自沙河縣流經南和合澧

劉累河 上自雞澤縣西來經平鄉縣西下入任泊

以上諸水俱入南泊

汶河 發源獲鹿之蓮花營洛北村其始不過
二泉耳至栾城西南合北沙河而流始大過
趙州至寧晉入葫蘆河即水經注所謂斯汶
水也唐書寧晉令程處默於汶河鑿新渠過
城南至鋪頭村入滏河近河田畝咸資灌溉
猪龍河 源自山西流經元氏縣北東至趙州

合汶

沙河 有三派一發源元氏縣西山經獲鹿之
封龍山至栾城與汶河合一發源贊皇縣東
流經臨城縣東北會泚即古彭水也一係栢
鄉縣野河別流亦曰沙河經隆平縣王橋村
東北注寧晉縣葫蘆河此三者名謂雖同源
流各異

泚河 源出臨城敦與山東南流合沙河經內
邱唐山隆平入滏河山海經敦與之山泚水
出其陰東流注於彭水元和志臨城縣泚水
在縣南二里出白土細滑如膏以之濯錦色
若霜雪方輿紀要泚水將至城五里斷伏不

流二百餘步復出東流經鈎盤山下合沙河
俗名三斷綠楊河臨城縣志泚水在縣西史
稱韓信斬陳餘於泚水上即此

按泚水有二在元氏者為北泚水在臨城者
為南泚水同名異流近有以二水混而為一

者不可不辨

北泚水源出封龍山流
經元氏縣南合槐河

泚水

即濟水源發贊皇山中經臨城縣東流

至高邑縣東南合槐河漢書地理志濟水東
至慶陶入泚此今昔川流不同之處

槐河

源出贊皇縣經元氏高邑遶栢鄉入寧

晉縣蒟盧河亦曰黑水名勝志黑水一名滙

河亦曰白溝河

午河 源出太行之麓繞栢鄉縣正南故以午
名下流合於野河

按栢鄉志午與槐為二水隆平志槐午為一

河

泥河 源出臨城縣泥河村北岡東入泚

七里河 河身在寧泊中距縣城二十里地名

宋家村為槐午諸河之下游泊水漲發由七里河歸滏乾隆五十九年大水河遂湮今欲洩泊水當尋舊槽浚之

鯀河 即寢水也在寧晉縣東十里金史云鯀河自藁城迤南來城趙州迤東至寧晉入滏陽河今下流已壅塞上流渠雖存而無水
怡賢親王查辦水利時循鯀河築小隄以禦滹水今已沖刷無存

老僧河 在隆平縣東北六里下流入槐武河
名勝志相傳有老僧尋水至此以杖卓地泉湧成溪故名

神泉河 源出唐山縣之堯山流經隆平縣北五里入老僧河

魏河 源出贊皇縣黃沙嶺東北流入元氏縣與泚水合又東入高邑縣一曰渡水

金河 源出井陘經獲鹿元氏至栾城合汶明萬歷中河流堙塞知縣蘓繼歐修濬改名金水河

以上諸水俱入北泊

邦畿水利集說目錄

卷之二

東西二淀

- 巨馬河 白溝河 清水河 易水 五里
- 河 濡水 白楊水 馬跑泉 聖女泉
- 軍士川 源泉水 渾塘溝水 檀山水
- 紫水 道欄河 霸水 女思谷水 子莊
- 溪水 八丈溝 涿水 范水 桃水 琉
- 瑤河 蘆僧河 紫泉河 斗門水 界河

挾河 胡良河 樂水河 龍泉河 白

玉石塘泉 一斗泉 杖引泉 馬村河

廣陽河 牝牛河 鹽溝河 龍泉 茨尾

河

依城河 淘河 徐河 曹河 清苑河

一畝泉 雞距泉 冷水溝 奇村河 初

水 蒲水 五雲水 九流泉 方順河

放水河 龍泉河 清水河 壩龍河

電水 曲水河 長流河 稠河

猪龍河 龍塘河

白洋淀 襍淀

四角河 四股河

大清河 玉帶河 會同河 中亭河 十

望河 勝芳河 鳳河 龍河 王慶坨河

邦畿水利集說卷二

元和沈聯芳戡山編輯

東西二淀

查兩淀以保定縣之張青口為界張青口以上為西淀以下為東淀

西淀跨雄新數邑之境既廣且深西北諸山之水皆匯焉北自雄縣來者曰白溝河拒馬河之下流也至房山分為二派一派東流入涿州至新城而南琉璃河廣陽水牯牛河胡良河等水

皆入之一派南入涑水經定興而東易水州之濡
水武水白楊虎眼梁村馬跑諸泉及迺欄河女
思澗子莊溪諸水俱來會之二派合流為白溝
河入柴伙淀 西自安州來者曰依城河曹河
徐河一畝雞距方順龍泉諸水之所會也徐水
至安肅與曹河會一畝雞距諸泉流經清苑城
南為清苑河今名府河至糧河橋方順水來會
之五雲石臼二泉流為放水河五郎河入焉流
經清苑石橋村為石橋河流迺新橋在清苑東
安屯東十
三至老河頭而龍泉河自南來入之下至安州
善馬廟與徐河合流為依城河入雜淀 西北
自安肅來者曰電河合灌河至新安之黑龍口
歸雜淀 南自高陽來者唐沙滋三水會於祁
州之三岔口為豬龍河迺博野蠡縣高陽而入
白洋淀 新安迺東為趙北口本名趙堡口即
唐興口也在任邱縣北五十里其地居西淀之
中白洋諸淀之水皆由橋下東流實西淀之咽
喉也舊有石橋八座向苦卑狹碍流雍正三年

怡賢親王奏請易之以木升高加濶又添建
三橋俾資暢洩乾隆二十九年橋下停淤阻水
去路漸微制府方宮保奏請將下游橋東大港
引河密河毛兒灣等處開浚深通適年以來趙
北口諸橋下淤積迨滿惟賴廣惠一橋尚通舟
楫而其下游清河門為白溝入淀之路汎漲直
射橫截上游淀水去路廣惠橋以東河道十餘
里間節節沙停重運窒碍其餘諸橋又因橋樁
糟朽橋下淤積不敢輕去石工疊道亦俱冲齧
殘缺是非大加挑培木石二工並施不能有濟
又趙北口一帶淀水之中更有漁利之徒撈泥
築圩樹藝靛草日積日高漸成水田此唱彼和
竟如此櫛阻遏水道莫此為甚急宜督押開除
務淨以利轉輸復將下游大港引河以及清河
門上下十餘里間並加開挖庶白溝下游暢通
亦無虞清河門橫截淀道矣再趙北口以南鄭
州一帶地本低窪近年水潴不退該處為七省
通衢豈可任其水佔查大港引河南隄向有里

長閘一座閘外又有引河一道可導任邱西北
積水入大港下游又雙關橋南城橋北城橋三
處各有深濬導水出里長閘如果循其故道寔
力疏通但使迤西大隄不溢鄭州雖窪加培疊
道建橋一二座水有歸宿自無壅滯盈滿之患
考其入西淀諸流最大莫如巨馬

巨馬河

巨馬河即涑水昔劉琨守以拒石勒故名巨一作拒
源出廣昌縣涑山經廣昌城南七山坡下穿易

州浮圖峪畿輔通志載巨馬河流入紫荆關按

通志所載至房山鉄嶺崖分為二支一支東流逕

新城西南畿輔圖說巨馬東流經固安縣東南

安入桑乾河此故道也今琉璃口一支南流入涑

水縣界經定興縣南河陽渡即今歷楊村而東

二派合流而為白海河其流經涿州者俗曰

北拒馬河河甚曲自房山南流至州城西南復

由西南北行繞至北門外穿永濟大橋東注旋

又南折大橋之建成於制府方宮保規模壯麗

四海朝

天者至此得免濟涉之煩誠不朽之業也惟是近年
以來每遇水漲橋南半截石欄往往冲塌入水
細揆其故惟居中三空為高南北皆僅留走水
涵洞不甚高濶昔之中泓流經正橋下大空今
大溜日漸南趨故不冲其北而蓄其南為今之
計即使開挑河身導之仍由中空而水性所注
恐不旋踵而淤積冲决如故莫若就其順下之
勢將橋南半截升高改建三空俾資暢行仍於

橋南左右沿河鑿築草壩庶不至河流再行南
徙致損民房 其流經涑水者俗曰南巨馬河
自房山南流直注定興所過之處與涑水縣境
犬牙相錯高村而下舊有界河一道為巨馬分
流可灌涑州橫岐上庄孫家庄田前經山水漲
發界河河口淤塞乾隆四十九年春旱議開河
口引水灌田旋為涑民呈阻以為涑州不應資
涑邑之水不果行而高庄亦向有水溝一道亦
資巨馬河水以為灌溉自乾隆五十九年淤塞

後村民狃於四十九年之事未敢擅挖自宜照
舊疏通無分畛域以均其利迨其流經河陽渡
而東也北巨馬河自北來合流易水濡水亦入
焉會而為白溝河

白溝河

白溝河上承巨馬諸河之水會流於河陽渡南
經新城縣南東逕容城至雄縣南東入茅兒灣
達玉帶河其分流亦由容城縣至雄縣西三里
名黃灣河又經新安流入四角河考舊志白溝

河自白溝店

今名白溝河鎮市極盛為新容交界處

曲折而南為

高橋又南十五里為趙橋村又南十五里為西

槐村迤東七八里至雄縣環城而西經瓦濟橋

土人謂之清河

畿輔通志雄河亦曰瓦濟河周環縣城經瓦濟門東即護城河

也又東為亞谷橋又東為大陰橋又東迤南為

柴伙淀始與九河合流入茅兒灣此今挽運

陵督經行之道糧艘抵白溝鎮而止河流深廣無虞淺

澁惟趙橋村新立庄地當頂衝自乾隆五十九
年後屢被冲澁平地刷成河槽雄南驛道中斷

車馬阻絕雖經堵築修填一經汎水下注輒復
冲决是宜于頂衝處堅築大堤或用草加鑲以
遏其東趨之勢方為一勞永逸耳

會入巨馬河白溝河諸水

清水河 在涑水縣北于家庄南流至縣東北

入巨馬河

易水 在易州南一名武水亦曰中易水經注
源出西山寬中谷歷武夫關東出兼武水之
稱流至定興合巨馬河又考寰宇記易州有
三易水其中易出故安閭鄉城谷中即桑欽
水經之易水

五里河 在易州東五里源出州北梁村流至
定興縣與易水合

濡水 在易州北故曰北易亦曰北濡水經注
濡水出故安縣西北窮獨山南谷南入定興
與巨馬河合

白楊水 水經注白楊水出道縣之白楊嶺下
時人謂之虎眼泉也畿輔通志白楊水流經

易州南三里與五里河合

馬跑泉

在易州東北二十里相傳唐太宗征

高麗駐蹕於此馬跑泉出因名東南流入涑

水

聖女泉

在涑水縣西北水經注濡水入道縣

城東大坡內有泉滿而不流俗謂聖女泉

軍士川

在易州西一百里源出龍村社下流

入於易水保定府志其地多出武夫故名

源泉水

水經注源泉水發北溪東西流注濡

水方輿紀要源泉在易州西北八里南流注

於易水

渾塘溝水

水經注渾塘溝水出道縣西白馬

山南溪中東南流入濡水

檀山水

水經注濡水東合檀山水水逕涑水

縣西北檀山西南流與石泉水合

紫水

在涑水縣西水經注紫水出聖人城北

大豆下東南流左會壘河溪水右會檐石水

南流注於涑水今安河東有紫水橋

道欄河 亦名沙河畿輔圖說水在涑水縣西十五里發源本縣平樂山流至定興為沙河入巨馬河因道縣得名今謂之秋蘭

霸水 在霸州南三里上流自白溝河分流逕州界合巨馬河今淤

女思谷水 在易州西南五十里水經注女思谷水出西南女思澗東北流注於易謂之三會口

子莊溪水 在易州西南五十里即紫荆水也自紫荆關流經州城南下流入白澗口方輿紀要水出子莊關故名

八丈溝 源出東安縣東平地出泉南流入巨馬河

涿水 在涿州西名勝志涿水源從大同得勝堡入老班溝一之涑水一之涿州

范水 在涿州西南自涑水縣流入合於巨馬河

桃水 在涿州西北水經注桃水受涑水徐城

自道縣東逕涿縣故城下與涿水合又名勝志北涉

溝南涉溝俱自良鄉縣流至涿州入桃水方與紀要北涉溝自涑水縣流入即洹水也南

涉溝即督亢水

琉璃河 一統志源出房山縣西北龍泉峪南

逕良鄉縣又東南逕涿州新城縣界即古聖

水也水經注聖水出上谷東至良鄉縣南方

輿紀要大房山下聖水泉即聖水之上源其

委流為琉璃河金史謂之劉李河逕良鄉縣

界至霸州入巨馬河明雷禮琉璃河橋記良

鄉縣迤南四十里村名劉李其地窪下為積

流所豬有河一道志稱琉璃即古聖水自房

山龍峪諸泉會合於此經霸州東注巨馬河

按今河言之琉璃河源發房山縣西北黑

龍潭及孔水洞俗名盧村河東流逕縣東南

二十里入良鄉界始名琉璃河經西南四十

里又南入涿州界亦名清河自琉璃橋東行

可四五里折而東南可二三里得俠河口又

東南可二十里得巨馬河口又東南可七八

里為茨村正西去涿州三十里東岸有渾河
決口故道今渾河已徙而東又南流入新城

縣界紫泉河入之舊志新城縣東有南里河
即琉璃河分支也舊止小溝明嘉靖中其溝

自底突湧裂土成河與運河即今之相通

蘆僧河 白溝河支流也自新城縣高橋起下

流合雄縣馬道正河入淀

紫泉河 在新城縣東北源出縣西北十五里

龍堂村至縣十里合琉璃河

斗門河 在新城縣西源出縣西北李家營即

宋何承矩闢斗門興水利處與界河會

界河 巨馬河支流也由涿州止庄西流入逕

新城入定興與斗門河合又南入于白溝河

今上游分流處已淤

挾河 亦曰挾活河挾一方輿紀要自房山縣

東南中浣谷流入涿州界與胡良河合入於

琉璃河水經注挾河水出良鄉縣西甘泉原

東谷東經西鄉縣故城北又東經良鄉縣城

南又東北注聖水世謂之挾活河今涿州仙
風坡北十里有挾河石橋河已淤

胡良河 亦名湖梁河源出房山縣大安山流

入涿州北又東南入琉璃河 怡賢親王疏

胡良所經地多膏腴溝渠圩岸宛若江南擴

而廣之良涿間皆稻鄉也自宜開浚舊渠以

收水利

樂水河 即古樂水也水經注樂水出房山西

北大防山南東南流注聖水

龍泉河 方輿紀要源出房山縣北大安山下

流逕良鄉縣西南與琉璃河合河濱有金時

盤亭宮故址

白玉石塘泉 畿輔通志在房山縣西南五十

里塘下突起一泉清潔如玉有灌溉之利

一斗泉 在房山縣上方山東北山坳間相傳

華嚴祖師開山時有龍占此師叱之避盡挈

其山泉以去師飛錫擊其尾留泉斗餘故名

杖引泉 方輿紀要在房山縣西南六十里泉

水湧出匯而成溪流經涿州入胡良河
馬村河 方輿紀要馬村河本自巨馬分流由
涑水縣東南赤土社經縣之馬村故名又東
南流合於白溝

廣陽河 源出房山三十里之公村南流至縣
城東會鹽溝為牝牛河又西南入中亭河水
經注廣陽水出小廣陽西山東流逕廣陽故
城北又東合福祿水亂流東南至陽鄉右注
聖水一統志廣陽河舊入聖水自盧溝南決

遂東注桑乾河是此水向入渾河今故道已
湮

牝牛河 即廣陽鹽溝二水之所會也二水至
良鄉縣城東南合流為三义口南流至任村
西南入大清河一遇水漲奔騰冲突故土人
謂之牝牛河良鄉固霸之間屢被其害雍正
四年 怡賢親王於任村南開濬新河東南
經涿州東固安縣西北循盧溝故道南至霸
州之南孟等村栲栳圈入中亭河長二百餘

里即今之金門閘下減水引河也年久淤塞
嘉慶三年永定河道喬詳請開濬今良鄉境
內復見淤墊自宜再加疏通庶去路速而良
境無浸淹之虞

鹽溝河 亦曰閻溝源出宛平縣龍門口東南

經良鄉縣南合廣陽河即大福祿水也五代
史唐長興二年趙德鈞鎮盧龍城閻溝而戍
之因移良鄉縣治焉良鄉亦稱鹽川
因有鹽溝故也

龍泉 在良鄉縣西北十八里味甘美流入鹽

溝河

茨尾河 舊為牝牛河上游 怡賢親王疏茨

尾河廣陽水會於石羊村為牝牛河故道已
湮今涿州東南有茨村即其地也

以上諸水或注於中易北易或注于琉璃河
而羣會於巨馬河下為白溝河此西淀北來
之水也按三易水中易北易皆注於巨馬其
南易則自為一流歸淀

依城河 上承徐曹一畝泉方順河諸流自老

河頭起至向陽村計長三十三里餘逕安州城北東入新安為長流河 按水經注滙水

東北逕依城北世謂之依城河則以滙水為

依城河而方輿紀要云安州為九河下流九

河者徐曹方順一畝

即清苑河

滋沙滙鴉兒與州

之易水合而為九河是又以易水為依城河

以今河言之惟徐河自安肅合曹及方順一

畝龍泉諸水達州界為依城河其滙沙滋三

水合于祁州由博野高陽入猪龍河其鴉兒

河則舊自滹沱分流入滙今滹沱南徙鴉兒

故道亦淤 又考乾隆二十九年水利案內

依城河北有減河一道長四里零以紓漕河

依城河之壅積今並淤平再依城河舊有善

馬祭頭兩閘邇年水勢盛旺無庸啟閉惟安

州北門外長堤嘉慶六年大水後殘缺過甚

隄南地形一如釜底隄之不固居民未敢遽

耕而東南同口村一閘亦以坍塌水不外洩

兼有高陽石家庄漫口頻受猪龍河漲水此

安民之所以受困非得四面疏通無以弭患
淘河 在安州東南依城河之分支也方輿紀
要淘河易水東出之別名也宋人以塘泊為
邊備往往疏濬以防淤澱故沿邊諸水皆曰

淘河

徐河 一名順水源出易州五迴嶺經滿城縣
為大冊河至安肅縣為徐河過清苑北折而
東入安州為依城河水經注徐水西出廣昌
縣東南大嶺下嶺有五迴三源竒發齊瀉一

澗東流轉北逕北平縣漢光武追銅馬五幡
于北平破之順水即徐水之別名也東經蒲

城北又東經清苑城與沈水合即今清苑縣

北十五里有徐河橋此其故道今徐河會曹
河東流達安州境

曹河 即曹水在安肅縣南二十五里源出曹
河澤由西釜山經縣東南至安州合于徐河
水經注曹水西北出朔寧縣曹河澤東南流
經北新城縣故城南又東入於徐水蓋曹水

得徐水之助汎漲甚猛安肅縣南漕河地方
有慈航寺方宮保於寺東開引河一道南注
清苑縣城西北入城河以分洩盛漲今故道
尚存宜加浚治

清苑河 俗謂之府河方輿紀要清苑河源出
保定府西雞距泉亦名沈水輿圖雞距泉與
一畝泉合流為清苑河河由縣而東與徐河

合

一畝泉 在府西三十里一名尚泉與雞距泉

合舊志渝河發源易州嶺流經滿城縣西北
伏流於地幾三十里出為一畝泉書云水在
地中曰渝

雞距泉 亦在府西三十里泉水噴流狀似雞
距與一畝泉合

冷水溝 在滿城縣東十五里發源賈村東下
流漸盛可引以灌溉南流會於清苑河

考明統志元張柔作新渠鑿西城以入水
水循市東行轉北別為東流垂及東城又

折而西雙流交貫由北水門而出是即清苑河上流也今清苑河繞城東轉市河久廢亦見方輿紀要以今水道考之一畝諸

泉水匯流至府城西靈雨寺前束以雙閘

引水入城穿西河沿灌蓮花池

池即元太師張彥所

鑿東南流經泮池出南水門入護城河北

水門久塞水漲則啟西關大閘而下注白草溝西來會之至天水橋東下為府河賈船直泊橋下自天水橋以至老河頭計程

五十里設石閘四非蓄水啟閉舟不能上

蓋地勢既陡來源又弱上游蚩子營

府西二十

里舊有小閘每遇缺雨之歲居民即堵閘蓄水幸白草溝來流尚旺而小聖廟閘左右河底皆泉此天之開是河以通商賈上谷以西均沾其利

奇村河 在滿城縣東即一畝泉與雞距泉合

流處清苑河上流也以經奇村故名

初水 完縣志濡水今謂之初水出伊初山曲

折東流經縣南又東經滿城為方順河水經
注濡水出蒲陰縣西枉渚迴湍率多曲復亦
謂之曲逆水也又曰南濡

蒲水 水經注蒲水出蒲陽山東南流經蒲陰
縣故城北東入濡舊志蒲水發源縣西北三
十里道務村流完縣北又東流至曲逆故城

東南與曲逆水合

五雲水 在完縣西二十里一名五雲泉源出
大蒐山五竅如龍流至縣西南十里合初水

九龍泉 在完縣西二十里發源伊初山平地
九泉淺而不竭又店頭水在縣西三十里二
水並合五雲泉入初水

方順河 在滿城縣南初水下流也在完縣為
曲逆河東入滿城為方順河又東流至清苑
東為石橋河與府河合

謹按方順河合謂之金線河長九十餘里考其來

源起自山西靈邱縣經廣昌唐完等縣至滿
城方順橋分流七分入正河三分入白草溝

長四十里有閘焉過漲則啟之以任其東注水

弱則閉閘逼水全歸白草溝入府河以濟運

府河為兵米鹽船故設閘四座閘南又有減水月牙河一道

長六里所以防盛漲之冲突前人創建因地

制宜何其意良而法美也無如水道經行無

久而不變適年下流淤塞其在滿城境內者

二十一里在清苑境內者六十九里餘自羅

候村以東下至糧河橋會流處內惟魏村東

里許現在深通毋庸挑挖其餘間段淤積甚

有淤沙高於兩岸之處適年山水漲發全溜

俱歸白草溝溝身本窄容納無多此所以涇

陽一帶大道頗被水瀦而郡城致有水入之

虞也此而不修會城之水患不治自宜將金

線河淤塞段落大加開浚並挖減水月牙河

使暢然東注則白草溝既無出槽之慮方順

橋南大道亦無水漫之憂

嘉慶三年方順河水漲橋南大道十

餘里間盡皆積水由實所以保護會垣也

放水河 五雲石臼二泉之所匯也五郎河入

馬五即河流經清苑之石橋村為石橋河至

糧河橋會於府河

龍泉河 方輿紀要慶都縣西三里有堅功泉

又西一里有西隄泉又縣西南有沈家泉湧

魚泉俱平地湧出合為龍泉河其下流匯於

唐河

清水河 方輿紀要在慶都縣西一里經縣東

南二里合于龍泉河此在望都非定

壩龍河 畿輔通志在慶都縣西南五里東北

流七里合于清水河

按今河考之龍泉河亦謂之九龍泉河發源

望都城外由望都侯陀村經清苑縣陽城村

又經大庄引河達安州之老河頭與府河會

長一百五十三里而畿輔通志亦載慶都縣

護城河發源城東九泉流至清苑縣楊城村

入方順河按其泉源方輿紀要載龍泉河發

源諸泉即畿輔通志護城河發源諸泉並非

另有一河其先或入唐河或入方順皆經流

故道也今九龍泉河由老河頭上溯尚可通
小舟惟河岸偏昃或被葦根阻塞往往碍流
旁溢浸淹稍加疏通便可暢洩

以上諸水皆會于安州之老河頭下為依
城河此西淀西來之水也

電水 一曰瀑河亦曰鮑河即南易水也三易
惟南易自為一派源出獨石岡經易州西南
又逕安肅縣北門外歷容城下流安州新安
與徐水會為長流河水經注易水出廣昌縣

東南即山東北燕王仙台其東謂之石虎岡
即石岡之東麓即泉源所導也其水東流有
砒水南會渾波同注俗謂之電河

按電河一過山水驟漲其來甚猛俗又謂之
暴河暴河有正支二股分流于安肅縣城西
北角正河由城北東行支河繞由城南而仍
合乾隆二十九年水利案內方宮保于姜女
廟建滾水石壩一座使汎漲有餘之水由此
減入支河俾驛道不致水佔邇年以來安肅

南北一至夏秋大道積水成河每由東西繞道而坑窪橫截之處亦復不少揆其故一由上游電河兩岸隄堰不修一由下游去路阻塞乃司土者不揣其本而齊其末輒以大道低窪為詞今試循其上游古隄而修培之復于下游尋大澍淀旁舊日二溝故道開挖寬深直由容城以西節節疏通水之消洩不速未之有也查新安舊有大澍淀原以消容城以西滙水嗣于營田案內改為糧地繼又開四工闢出水並建設涵洞至乾隆二十年俱已頽廢方宮保于大澍淀旁開

大溝二道共長三十八里以為洩水之路今二溝亦已淤平此安肅容城之滙水所以無去路也

曲水河 在安肅縣南四十里源出狼山與電

河合

長流河 方輿紀要一名長溝河在新安縣西

南五里其上流有二皆自安州來一依城一

電河至縣界曰長流河東南入四角河按一

統志長流河源自電水在新安縣西五里又

溫義河源自徐河在新安縣西南八里與長

流河合蓋依城河入新安亦名溫義至合電
河則總明長流也

稠河 在新安縣東六里一名試牛河亦長流
河之支也

以上諸水皆歸新安之長流河此西淀西
北來之水也

猪龍河 唐沙滋三河會于初州之三岔口為
猪龍河名勝志高陽故城東龍化村是猪龍
河也俗傳顛顛時有猪化龍而成是河故名

經博野安平蠡縣高陽等縣至新安入白洋
淀水性湍急舊有引河四段以分減其勢

在博

野者一段在蠡縣者一段在安平者一段今俱淤為平地下流至

高陽石家庄以東河身淤墊十餘里每遇大
汛即潰決石家庄而北注高陽之民利其積
淤不以堵築為急務而安州東南境內連歲
被淹此非將正河開挖深通則石家庄隄工
不能穩固築隄去淤兼而行之自有裨益

猪龍

河在博野曰蟾河入蠡縣為楊村河查雍正
至高陽曰布裏河入雄縣為高陽河

三年猪龍河决柴淀口而東潰麻螂口古隄直衝鄴州驛路怡賢親王疏其故道復于出岸村開挖引河一道長十里至孟仲峯出口入淀三十餘年今猶順軌惟汎漲之時不無泛溢若循引河舊道而加之疏濬博安蠡高之間益慶寧字矣

龍塘河 畿輔通志在博野縣南相傳有龍目七公河順流蕩其地通於瞻河

唐河 專條見後

沙河 見唐河

滋河 見唐河

以上諸水皆會于猪龍河入白洋淀此西淀南來之水也

白洋淀 西安州南高陽北新安東任邱跨四縣邊界周六十餘里衆流所匯既深且廣猪龍河賴為歸宿新安十數村居其中下通四角河

雜淀 在新安縣西五里統杜家淀鴨圈淀楊

家淀王家淀而言與白洋淀通按舊志雜淀為電河蘆草灣所豬蘆草灣乃九河外水

四角河 在任邱縣西北五十七里其北接高陽河即沙滋滏三水下流也自保定府之初州博野蠡縣高陽新安至雄縣由蓮花淀而入其西接長流河即徐電諸水下流也自保定府之安州新安由四及河而入其南接白溝之支流自保定府之容城縣分岔歷雄縣新安由燒車淀而入三河合流而東過趙北

口由柴禾淀入保定縣界為玉帶河

四股河 亦名四及河在新安縣東南十五里

上納長流河下達於任邱之四角河保定府志四及河上承溫義中流為及一通王家寨一通寨南一通店頭一通四角河相傳元至

正時鑿

以上諸水俱屬西淀

東淀以大清河為經流其自張青口以下名玉帶河東至苑口為會同河一名苑口河河流至此

分為三道即所謂三汊口也蓋會同即玉帶之
下流出自西淀茅兒灣至霸州而拒馬等十餘
河之水咸會焉故名會同河其派有三玉帶河
之出孫家房者東南經下馬頭過崔家房至左
各庄迄石溝復由台頭出楊芬港是為南派其
自台山過十間房王家泊繞至勝芳者為北派
自孫家房由趙家房崔家窩過南筭歸勝芳者
為中派與北派俱由辛張出楊芬港三派至楊
芬港而復合東出楊家河計自三汊口至楊家

河共長一百四十里自永定河由西北來經柳
岔口辛張河入淀勝芳河淤而北中二派頻塞
惟餘台頭一河何以容西來三十餘河之水由
前湖之二派之淤亦不自今日始矣雍正三年
牝牛信安呂公等河並成陸地崔家房以東隄
岸潰決 怡賢親王引永定河北入三角淀使
河自河而淀自淀開勝芳河十七里又于上游
疏濬中亭河四十餘里以分玉帶河之水入台
山河其張青口石溝河淤淺之處概加疏濬淀

池之蓄納既寬而七十二清河迤駛達津霸保
文大之間始有寧字民享樂利數十年乾隆二
十九年方宮保又浚中亭河另開勝芳村南引
河一道並挖張家嘴左各庄等處大清諸河安
瀾順軌今又三十餘年矣中亭勝芳二河淤塞
過甚每遇汎發之時水壅不下論者或徒歸咎
于天津三岔河口為兩運橫截所致殊不知入
海之路固宜分減而上游支派亦須節節疏通
試使兩淀挾數十河之水暢流東注未見必弱
于兩運無如楊芬港以上先自隘其通行之道
亦無怪水之不能下注也今治淀之道宜以開
通中亭勝芳二河為先務次尋淀池經流有已
淤淺者加之撈挖並芟除蘆葦水草廓清淀底
使無阻窒然後再行培補堤埝以為一勞永逸
之計

謹按東淀最為深廣自北受渾河之水南承
子牙之流兼之楊家河以東又有海潮抵牾
淀池日漸淺隘子牙尚可使之由紅橋入運

惟渾河別無經行之路此治河者所為扼腕
無策耳查東淀受西來數十河之水向賴淀
池以為容納蕩漾今淀已淤而水來如故盈
滿必溢勢必以津靜為壑計惟查照 怡賢
親王舊議在于靜海縣權家口地方添挖引
河一道使入海多一去路以補淀池之所不
能容庶津郡可免浸淹之虞在昔日為分減
運河之計在今日即為淀池通其前路亦不
得已之補救也

滙入東淀諸水附

大清河 自固安縣起流經新城容縣雄縣任
邱歸淀趙北口迤東十二里為清河門由此
東注穿東西二淀會合諸流同趨天津三岔
口入海

玉帶河 在保定縣霸州境內會同河之上流
也冊說玉帶河在霸州境會渾河東下名會
同河分二支俱流經文安縣境散入石城等
淀本河正派至州東無梁閣名邊家河又分

一支入永清縣界名新安河其正流曲折而東入文爾諸淀又東逕東安縣界為呂公河按舊志玉帶河其源有二一西北自新城來有蘆溝拒馬挾河琉璃河胡良桑乾烏依白澗此二河無考白溝曰北九河一西南自任邱縣來有黑洋一畝方順唐河沙河滋河曰南六河俱滙於雄縣之茅兒灣流入保定縣界為玉

帶河

會同河 在霸州南十三里一統志玉帶河自

保定縣流入州界又東北曲折行可十里為善來營北岸有渾河口又東可五里為苑家口又東五里為蘓家橋自是而下滙為淀泊水發則漫無涯涘水退則蘆葦盈望

中亭河 亦名新挑河在霸州南八里舊自雄縣之吳家台流經保定縣北入玉帶河水發則通舟水退則涸亦曰栲栳圈河康熙三十

八年

聖祖命河臣王新命開挖上接十望下入台山河分減

玉帶河水勢雍正四年及乾隆二十九年水利案內均經挑浚今又淤墊查此河有分減之功開之則上游水退可速不開則玉帶河壅滯而易潰此亦今日之要工也

十望河 上承白溝諸河之水雍正四年原議開挑因積水而未果後于乾隆十年在王各庄開引河一道以分減張青口之水其為功與中亭河埒

勝芳河 史記趙徙漳水武平西武平即勝芳

也會同河北派之水由此分洩自渾河入淀屢報淤淺方官保查辦水利以上游兩股之水合併于此恐河身窄狹不能暢注復于勝芳村南開引河一道迤東仍會勝芳正河同出辛張歸楊芬港今正河已淤積多年急宜大加開挖以復其舊其引河尚在可緩

鳳河 謹按乾隆三十八年

御製重修馬駒橋碑記云水自南苑出者二其南源曰團口出南苑牆東南釀為鳳河又東滌永定

之濁由大清河以歸海此鳳河之源也名勝
志鳳河水一渠從西流至鳳窩村雖隆冬洄
寒水亦不冰東安縣志在縣東北四十里鳳
窩村其水自縣西北草橋來又南流過縣之
漂流淀又南入武清三角淀其形如鳳此鳳
河所由名也按鳳河之源在

南苑中流出東南隅自迴城而東涓涓一帶東南
流至武清之堆上村河身深廣以下填淤斷
續一遇伏秋雨潦散漫無歸雍正四年怡

賢親王奉

命查修水利欲加疏濬而來源微細不足以為恒流查
有凉水河一道發源水頭庄貫

南苑出宏仁橋東流至高各庄東北流抵張灣入
運乃奏請于高各庄分流南行至堆上入鳳
河故道一路挑挖過雙口抵青沽港入淀河
仍于分流之處各建一閘水小則閉東閘啟
南閘流入鳳河大水則閉南閘啟東閘洩入
運河次年河成宛平瀛縣武清東安一帶積

潦盡消桐林牛鎮三間房等處開渠引水各
營田數十頃惟閘座未建每年築壩蓄流以
資灌溉以今河考之鳳河自

南苑流出逕大興之采育村鳳河營東安之隄上
營東流至通州之南三房村入武清縣境歷
城北而東南流逕泗村店陳辛庄西會遙坨
減河又南逕南宮東洲龐家庄西會北遙坨
減河又南至天津縣之丁家庄雙口西連朱
家淀葉淀穿曹家淀至青光村東韓家樹村

西入大清河為永定河下游匯流達清之道

乾隆十年十四二十八三十三十七四十四
等年歷加挑濬下截有渾河會入且多灣曲
未免易於停淤
全以挑濬為功

龍河

本無來源

一說自宛平縣野場發源

自大興縣之田

家營入東安縣境歷田家庄等十九村過縣
城東北入武清縣界約七十餘里又南復逕
東安縣界至響口村約十三里又東南八里
至武清縣之定子務六道口散漫歸淀後築
北坨遙坨越坨截斷下游即由坨外減河東

入鳳河畿南數百里漑水賴以宣洩
王慶坨河 在武清縣南八十五里即東安呂
公河上由霸州渾河經磨汊港東流入淘河
泊又東入武清縣分為二俱經王慶坨鎮而
入三角淀

子牙河 另條見前

渾河

另有專條

以上諸水俱會于東淀由西沽出天津
三岔口



